

Sertulum austro-maroccanum tertium

auctoribus D^r R. MAIRE et D^r E. WILCZEK.

In hoc novissimo sertulo diagnoses breves plantarum nonnullarum quas in itinere nostro austro-maroccoano aprili 1935 legimus. Haec novitates ulterius in MAIRE, Contributions à l'étude de la Flore de l'Afrique du Nord, fasc. 24, amplius describentur.

Anethum foeniculoides Maire et Wilczek, n. sp. — Perenne; habitus omnino *Foeniculi* fere aphylli; odor herbae foeniculaceus. Involucra et involucella nulla; umbellae omnes pauci (usque ad 12)-radiatae. Fructus dorso compressus; mericarpiorum costae marginales adplanatae valde elevatae, costis marginalibus mericarpium alteri adpressae. Styli reflexi stylopodium aequantes l. parce superantes. Odor fructus triti *Cuminum cyminum* L. referens.

Hab. in rupestribus arenaceis secus flumen Noun.

Jasonia hesperia Maire et Wilczek, n. sp. — Habitus *J. rupestris* Pomel, a qua differt habitu fruticoso; caulibus dense villosis; capitulis foliis supremis involucratis, basi rotundatis (nec adtenuatis); anthodii phyllis subaequalibus; ovario 5-nervio.

Hab. in rupibus arenaceis montis Tachilla ad radices Anti-Atlantis, ad alt. 300-400 m.

Leontodon Garnironii Emb. et Maire, n. sp. (sect. *Oporina*) — Perennis, caespites densos late effusos formans; caudex pluriceps eriopodus. Folia pleraque rosulata, glabra, glaucescentia, pinnatifida. Caulis floriferi scapiformes, monocephali l. rarius parcissime ramosi; folia caulina reducta bracteiformia saepius parcissima. Anthodii haud calyculati phylla externa brevinae aequalia, interna longa subaequalia, omnia herbacea dorso parce lanuginosa pilis haud moniliformibus. Corollae aureae anthodio triente longiores. Achaenia homomorpha, haud distincte rostrata, pappo paullo longiore simplici, e. setis 10 basi sensim dilatata connatis, dentatis et pilis longis raris deciduis parcissime plumosis, constante, coronata.

Hab. in rupibus arenaceis montis Kest Anti-Atlantis, ad alt. 1400-1800 m.

Limonium trachycladum Maire et Wilczek (sect. *Ctenostachys*) — Ab affini *L. fallaci* (Coss. ex Wangerin) Maire, cujus habitu gaudet, recedit ramis teretibus tuberculatis. Hac nota *L. Chazaliei* (Boissieu) Maire, *L. pruinatum* (L.) O. K. et *L. Brunneri* (Webb) O. K. refert; a primo recedit foliis apice integris, bractea inferiore spiculae parva, tubo calycino semiglabro, limbo secus nervos glabro; a secundo spiculis 1-2-floris et bractea interna haud convoluta; a tertio ramis sterilibus haud pungentibus, caulibus floriferis foliosis; bracteis glabris, calycis tubo semiglabro.

Hab. in pascuis aridis prope amnem Aourioura, aprili florens.

Traganopsis nov. genus *Chenopodiacearum* — A *Tragano* Del. differt floribus in glomerulum congestis; perigonio fructifero (sicut in *Tragano* indurato) 2-3-cornuto; staminodiis inter stamina conspicuis, cum staminibus in discum conspicuum basi conniventibus; semine verticali. Proxima *Nucularia* Batt. differt foliis oppositis; floribus 2-3-nis; perigonio haud spinoso; staminodiis nullis.

Traganopsis glomerata Maire et Wilczek, n. sp. — Fruticulus erectus, ramis eburneis glabris, habitu *Traganum nudatum* Del. referens. Folia alterna, glauca, glabra, eis *Tragani nudati* similia sed longiora. Flores in glomerula subglobosa, 8-10 mm diam. congesta. Perigonium 5-sepalum, demum valde incrassatum et induratum, sepalis basi in tubum extus lanatum coalitis, externis 2 (rarius 3) post anthesim cornu dorsali spinosis, omnibus obtusissimis eroso-denticulatis enerviis. Filamenta 5 basi cum staminodiis ovatis pilosulis in discum altum inserta; antherae exsertae ovatae haud mucronatae. Semen verticale, testa membranacea, exalbuminatum; embryo spiralis; radícula supera lateraliter prominula.

Hab. in halipediis vallis fluminis Noun, et in pascuis aridis subsalsis inter Labiar et Aourioura, aprili florens et fructifer.